

序

夫族谱者，记族人繁衍生息之文牒者也。然其族人生息繁衍，有如江河之奔流不息者，永无穷尽矣！故先祖曰：三十载不修谱者，子孙之过也，是故续修谱牒，乃上慰先祖，下了夙愿，亦昭告后人之盛举也，吾胡氏族谱据考始修于尧舜，后唐宋明清，连绵不绝，历经修纂，延而至今，洋洋万卷。真可谓中华族谱之大观也。尤先祖大伦公迁湘及其后之诸事，概为乙卯谱载之详尽，三十载之后，又续修之。所著者进然有序，可谓之完善矣，然而，自丁亥岁至今，虽已春秋五十却再未续修，此违先祖之嘱托，非吾辈之过也，奈何时逢不测，转眼之间，家庙宗祠毁

之殆尽，更谈何族谱也。所幸者，今时移势易，自庚申岁以来，国家改革开放，神州大地，百废俱兴，香港回归，海峡两岸关系缓和，华夏子孙之传统风俗礼仪不再禁固。吾族之有识之士，乘此良机遂昌续谱。岁在丙子，有汝纯、巨山、检先等又邀建勋、懋放召聚各大房长者，共商续修事宜。历时一载，经宣传发动等款录丁，编辑复印，虽多有周折，皆因同心协力，今终已告竣付梓。窃以为可上慰先祖而下告后世也，吾等自知学识浅陋，难负此任，不足之处，在所难免，故权且将就，是为序。

公元一九九七年丁丑岁十二月

二十一世裔孙中瑞谨识

鱼腮塘胡氏族谱卷首

序

谱何为乎收族也收族何为而必待谱乎古者宗以族得民自宗法壞族众散居各地视若路人而姓氏源流支派繁衍邱墓所在文献所存胥赖谱以维击而不败则谱之修其可以己乎苏氏谱引谓览吾谱者孝弟之心当油然而生其寓修谱收族之意微矣吾族自唐清献公发踪於金陵后千里公由江左移藉湖南岳平金紫岩后裔繁昌支分十七族遲之又久迄

前明洪武初大綸公始偕同祖昆第輩俱迁湘阴居址星散不一其所如我大綸公由平邑而来甫迁樟树港继迁县伴寨未几长勝公迁近里湖溪段后万历九年仁珊公復胥宇鱼鰓塘故我子孙蒙业而安世居其地当时同祖兄弟智聰公讳大绅者昆季四智聰公居翁州维岱公居硤石志高公居东塘坪梓成公居鸡鸣湖虽各处一方要皆千里公一脉所分支同条共贯有由然矣远近各门各修家乘惟我鱼鰓塘自清光绪壬辰经先叔阁笙公兴堂叔祖凤楼公同赴西乡收族辑丁几经参考未竟其功乙巳春适先君讳锡吉卸湘潭守府篆回籍復又

商諸族眾以竟全功將付剗剗适先叔病篤莫起所幸草稿齊備
令渤珍藏迨民國四年乙卯歲再經族叔祖國彬等邀集族眾協
商遂措款付梓然旧譜之成已越三十年矣茲遵例言績修期屆
爰于堂弟濟鄉磋商召集全族父老載球等等商續修手續樽節
开支完成新譜僉謂譜事重大万難放棄卽推之淳擔任纂修濟
鄉任主修其餘協修經理另列于后之渤自知學職謏陋何敢任
肩无非祖宗應盡之義又不敢辭所幸被舉諸公踴躍從事廼於
丙戌八月錄丁迨丁亥冬初方告厥成除乙卯譜所列綸言譜序
家規宗支办服制图祠堂图寿序夔一足題詞等章

本猶鮮無需翻板外其餘凡例世系竝新增人物列女各項表誌煥然一新井然不紊此所以上報宗功下治式穀也是
為序

十九世裔孫之渤謹識

民國三十六年丁亥寅曆十一月日

胡氏族谱序

天生蒸民伦类殊异其能俾之叙而不斃分而仍合者惟谱乎谱牒之作也肇於周盛於六朝洎唐宋而欧苏之体制大备凯惟敬宗收族盖别嫌明微之理隐於其中乎寓之是故姓所以统一宗氏所以著支派姓同而氏异者婚姻不可通也三代以上男子称氏妇人称姓秦汉而还姓氏始溷其命氏为姓者义略有九国官爵谥字号居事职也又或赐国姓或冒贵姓或加恶姓或改本姓窜乱纷杂罔有纪极如任与薛同祖黄帝王与

刘同出唐尧崔与卢同为姜姓而为婚非礼也文中子
讥之识者悯焉抑吾更有进者中国种族数万万皆神
明华胄沐浴孔教最久其於姓之显同者尚知守义法
不敢悖然乡曲败类往往昧然行之矧乎以氏为姓知
异忘同如任薛王刘崔卢者欤凡皆不求谱学之过也
迹者五洲互错殊种殊族往来日伙予甚惧夫往者之
久而不归变於异俗年代湮远支叶散漫比其反而茫
於本原也予尤惧夫来者之久而不归化於圣泽侵占
大陆奴隶斯民冒吾姓而乱吾宗族也於虜彼洲之人

合全国为同族而无差志故能称雄地球之上此洲之人不能各联其族为同族以立国而齐壹志力又奚以图存於竞争之界殆哉岌岌乎自时厥后华族日濒危矣湘阴胡守戎志学署篆下邑交最笃聆吾说而深有慨命其弟阁笙聚族修谱越丙午冬告竣索序予既为之题夔一足集又为文介令母周太恭人寿君喜愚言质直用书以与其不及其著姓之初支迁之委家世簪纓之繁衍者特以前序详载无俟赘述述其昆仲纘谱之志俾览者知所观感庶几巩固厥族不侂斯册於寻

常文具是则不材所仰企者也

时

光绪三十二年丙午岁仲冬月旦谷

湖南伏廩生候选训导

李阳宗拜撰

胡氏族谱序

从来源之远者其流长根之深者其枝茂源不远则奔
腾沟浚虽有流衍之势究不及乎江河之澎湃汪洋千
支万派有以知其本之克裕也根不深则荟蔚山林虽
有茂密之观究不及乎梗豫之蟠踞扶疏重柯叠幹有
以识其基之永固也今阅胡氏家乘系出有虞郡属安
定肇姓妣满夹辅周室劳於王家甫而有祀及历朝以
来贤才继起居廊庙建勋名者代不乏人溯自唐代清
献公发脉金陵曾孙房封千里公由江左迁居湖南岳

平金紫岩历数十传迄前明洪武初有仕昌公之元孙
大纶者肇迁湘阴其时同祖伯仲叔季分徙於罗湘者
不一其所虽里居星散瓜绵椒衍要皆一本所发皇同
源所分著但数处人文称盛谱牒修明兹鱼腮塘守戎
字志学者人敦者养出奏忠勋以友抚弟以厚待人其
敦宗睦族之谊日弥笃矣复有志聚族修谱商诸族众
俱喜踊跃急公命其弟阁笙秉笔肩任其事不惮勤劳
汇成谱牒越丙午冬告竣子过庐披阅缕晰条分有原
有本嫁娶卒葬丘墓同址概行牖列质实详明至於亲

疏联为一贯远近合为同堂
渙者萃之睽者比之明伦
展亲秩然藹然具见白鹤宗风
宏开奕世陆浑令绪永
振来兹可知循流溯源其渊泉之有本者浩乎莫测其
涯涘也其枝叶之发荣者沛然莫御其气机也蔚兴之
象绵远无究予因乐为之赠词以弁於其端云

序

物本乎天人本乎祖尊祖则敬宗敬宗则收族此可见
谱牒之修诚重事也盖分以有所系而后明情以有所
联而始摯嫁娶里居生年卒葬墓址山向以有所凭而
不失否则自祖宗而降及云初子姓繁衍迁徙不一至
於支分派别有待诸途旅不相识庆吊不相及而於一
本之谊截然无存是非所以笃人纪而厚风俗也吾族
自唐清献公发祥于金陵清献生二子长曰魁次曰魄
魁生瑄拜唐文宗翰林侍讲瑄生房尽忠报国积德累

仁封为千里公乾符六年己亥岁由江左徙籍湖南岳
平东乡金紫岩居焉后瓜瓞绵绵支分十七族又二十
馀世至竹山公讳仕昌生子三政广三政子汜二汜子
伯模模子大纶前明洪武初始偕同祖兄弟辈由平邑
迁徙罗湘侨居星散不止一区如我大纶公甫迁樟树
港继迁县伴寨后长胜公又迁近里湖溪墩至万历九
年仁珊公复相宅鱼腮塘以为子孙永远之计居经数
徙而后定世历数传而多迷若不修谱牒以溯源流纪
世系以识其里居丘墓将见自此而往世数遥遥穆然

而山高漠然而水长欲稽故实而靡所适从犹忆雍正
甲寅年硖石同祖六谦公慨然矢志纂修家乘尔时族
崇瑄公曾附骥尾不胜欢忭无何事方肇端崇瑄公携
本支草稿越沅邑收族辑丁遂盍然长逝以故我鱼腮
塘一支谱阙未修予深思远虑日夜不安是以光绪壬
辰岁纠集阖族矢志汇修支谱草稿其时族众俱奋起
从公命弟阁笙同堂权凤楼往西乡各处收族将草稿
汇成创为张本延至乙巳岁予自湘潭卸篆回里重念
草向之存未经完缮复商诸族叔祖作馨聪保族叔载

纲载礼胞叔声和房叔时亮得春房兄立本堂兄文理
鹤亭暨各房人待闻言跃起莫不欢欣以从爰是仍命
弟阁笙由县右堂刘廉甫处辞聘归里仔肩其事更加
编辑朝乾夕惕不憚辛勤裘葛两更方幸告竣展阅之
下而生迁卒葬纪载无遗俾后之人阅目瞭然不至指
鹿为马认蚓为蛇根本之地晓然不昧宗盟之谊蔼然
无违夫何虑絛绳散落宗派沦亡庶前人之有志未逮
者后人克承厥绪以数典无忘后人继起有功者前
人亦慰其怀而遗恨可释斯诚上妥

先灵下诒式谷也是即尊祖敬宗收族先后有同心而
报本追远亦相率而不怠则光前裕后累叶昌炽之林
不卜可知矣是为序

光绪三十二年丙午岁仲冬月谷旦

十八派裔孙锡吉谨识

序

凡家之有譜所以叙源流紀世次統遠近聯親疏以重
本根以篤仁孝譜之所關誠匪淺尠矣故必上溯淵源
雖歷世之遙而追尋其所自出不使高曾淪於風雨湮
沒而无稽也又必推求支分派別瓜綿瓞起之云仍同
条共貫毋使秦越視之漠然不相關也此其事故在孝
子慈孫共切水源木本之思數典无忘葛藟是庇敦倫
常於弗替綿世緒以无疆斯為得之矣吾族自唐清猷
公發迹於金陵后千里公由江左移籍湖南岳平金紫

岩后裔繁昌支分十七族迟之又久迄前明洪武初大
纶公始偕同祖昆弟辈俱迁湘阴居址星散不一其所
如我大纶公由平邑而来甫迁樟树港继迁县伴寨未
几长胜公迁近里湖溪墩厥后万历九年仁珊公复胥
宇鱼腮塘故我子孙蒙业而安世居其地当时同祖兄
弟智聪公讳大绅者昆季四智聪公居翁洲维大公居
硖石志高公居东塘坪子成公居鸡鸣湖虽各处一方
要皆千里公一脉所分支同条共贯有由然矣兹远近
各门纂修家乘历年多所惟我鱼腮塘一门尚未纂辑

世系修明譜牒嘗考歐陽文忠公有云族譜三世不修
子孫之罪何者世遠年湮支流派異祖宗丘墓世緒淵
源无从稽考將數典忘祖情分隔閼无以慰我先靈
昭茲來許宙是譜牒之當作也其可緩乎予因眷眷在
懷寢饋於斯不置是以光緒壬辰歲子與堂叔鳳樓同
越西鄉收族輯丁沐雨栴風不辭勞苦几经參考而譜
之規模粗就奈余舌耕數載未竟其工不觉展轉十餘
年矣至乙巳春胞兄志學卸湘潭守府篆回籍云及譜
牒一事尚未完備夙夜扪心几不能釋復商諸族叔祖

作馨聰保族叔載綱載礼胞叔声和房叔时亮得春房
兄立本堂兄文理鶴亭暨闔族人等均喜急公仗义协
力同心将公积给用爰命予由县右堂刘少尉处辞馆
归里肩任其事纂辑谱牒勤劳两载方幸告成庶自兹
以往嫁娶生卒丘墓山向瞭如掌上不等文献之无徵
统远迩於同堂联亲疏为一脉婚姻丧葬庆吊有礼尊
卑接遇名分相先孝弟忠信之风由是而炽礼乐诗书
之化由是而兴纘成世业高大门闾胥於是乎基之是
即族众夙昔所图维今乃得一观其汇辑之有功一切

凡例规训传记服制详加编辑兹付剞劂而规模一新
井然不紊庶几可以对祖宗而告万世矣后之有志
者继起而续修则踵事增华亦綦易矣是为序

光绪三十二年丙午岁仲冬月谷旦

十八派裔孙锡祥谨识